

✶ Акафист показывается ^{исаак в} среду и пятницу ^{в Великий пост}

Аще и всегда распинаю Тя грехами моими, Ты же, Спасе мой, умирая не отвращаешься от мене. Но преклонь главу прощаеши мя, к Себе призывая. Тем же, Спасе мой, к Тебе прибегая аз грешный со слезами вопию Ти. Помилуй мя, оставление грехов ми даруй, и помяни мя егда приидеши во царствии Твоем.

Объятия Отча отверсти ми потщися. Блудно мое иждих житие, на богатство неиздеваемое взирая щедрот Твоих, Спасе, ныне обнищав- ✓
-шее мое да не презрешి сердце. Тебе бо, Гос-
-поди, во умилении зову: согреших, Отче, на Небо и пред Тобою.

Душа моя прегрешная, что не плачешься. Ты плачь, душа, рыдай всегда - тем утетишься. Не успеешь ты тогда плакати, когда придет смерть. Скинь одежду ты греховную покаяни-
-ем. А не скинешь, ты, грехи своя, то ада не минешь. Страдалицы венцы носят на главах своих. Они песню поют архангельскую
Аллилуия, аллилуия, аллилуия.

Акафист покаяния или песни, приводящая человека к сознанию своей греховности

(Составил монах Геронтий, печатается по изданию типографии Киево-Печерской Успенской Лавры. 1911)

Кондак 1

Аз есмь пучина греха и ^{блото} блато всякия нечистоты,
аз есмь хранилище всех злых и безмездных¹ деяний: увы мне, увы мне, Боже мой, увы мне,
Творче и Создателю мой, увы мне, Свете души
моея! Что возглаголю Ти, удаливший себе от
лица Твоего, или что реку Ти, отвергший себе от
очию света Твоего? Преступих бо заповедь
Твою, якоже и Адам исперва, и николиже
принесох Ти жертвы покаяния; ныне же, познав
падение свое, из глубины души моя в покаянии
зову Ти, Милостив: Помилуй мя, Господи Боже
мой, и к покаянию призови мя, падшаго.

Икос 1

Бог мой еси Ты, Творец и Создатель мой, Храни-
тель живота моего и Заступник мой; аз же есмь
создание Твое и дело руку Твоею. Но увы мне!
Прародительный грех царствует во мне, и злая
воля моя господствует надо мною, и аз, яко раб,
выну работаю греху и тем прогневаю Тебе,
Владыку и Бога моего; но, припадая Твоей

благости, смиренно молю Тя, Щедре: Помилуй
меня, Творче мой преславный. Помилуй меня,
Создателю мой предивный. Помилуй меня, Боже
мой Предвечный. Помилуй меня, Господи мой
пребезсмертный. Помилуй меня, Владыко мой,
премилостивый. Помилуй меня, Царю мой
прекрепкий. Помилуй меня, воззвавый меня от
небытия в бытие. Помилуй меня, вдохнувший в тело
мое дух безсмертия. Помилуй меня, почтый меня
Своим образом и подобием. Помилуй меня,
вознесый меня превыше всех видимых. Помилуй
меня, даруяй мне ведение познавати Тя и любить
Тя. Помилуй меня, животворяй меня Своею
благостью. Помилуй меня, Господи Боже мой, и к
покаянию призови меня, падшаго.

Кондак 2

Владыко мой и Господи, како приступлю к Тебе
аз, погруженный грехми многими, коима очима
воззрю на Тя, пресветлаго Творца моего, кое
принесу Ти покаяние? Аще бо восплачуся,
оскверню токмо землю слезами моими, аще
воздохну, як мытарь, **БОЮСЯ** . отягчить небеса.
Обаче ж покаянием очисти меня от всякий скверны
и душу мою уясни светом милостиваго лица
Твоего, да радостно зову Ти: Аллилуиа.

Икос 2

Глаголы уст Твоих выну презревах, во след бо
писаний Твоих николиже ходих, но со ^{ставаиши} тщанием
соблюдах волю диаволу, и в
след злыя похоти моея усердно ходих; ныне же,
горце познавый падение свое, со слезами ищу
Тебе, незаходимаго Света моего, в покаянии
зовя: Помилуй мя, в беззакониих зачатого.
Помилуй мя, во гресех рожденного. Помилуй мя,
блудно жизнь иждившаго. Помилуй мя, не
радевшего о спасении своем. Помилуй мя, не
тщасягося благоугождати Тебе. Помилуй мя,
Утворящаго выну волю свою, паче же диаволу.
Помилуй мя, удалившагося от Тебе,
присносущнаго Света моего. Помилуй мя,
заблудшаго в пустыни страстей моих. Помилуй
мя, отчуждившагося Твоея благодати. Помилуй
мя, предавшаго душу свою во тьму греховную.
Помилуй мя, преступника закона Твоего.
Помилуй мя, нарушителя заповедей Твоих.
Помилуй мя, Господи Боже мой, и к покаянию
призови мя, падшаго.

Кондак 3

Добро и праведно есть еже не удалитися от
Тебе, Источника света, но тьма греховная, юже
аз привлекох на себе злыми деянии моими,

находит на мя, якоже ночь, и помрачаючи душу мою, отводит мя от Тебе, Бога моего: но молю Тя, Создателю мой, блесни молниєю и разжени мрак моих страстей, да во свете Твоем узрю свет, благодарственно поя: Аллилуиа.

Икос 3

Естество закона преидох, окаянный, согрещих бо аз грехми, ихже нельзѧ и глаголати; но Ты, Боже, яко Сердцеведец и провидяй вся, не объяви моя тайная пред Ангелы Твоими, ниже вверзи мене в дебрь огненную, но, пощадив, прости ми вся злая сия, мною содеянная, вопиющему Ти: Помилуй мя, оскверненнаго грехи многими. Помилуй мя, вселившагося во ад вместо рая. Помилуй мя, возлюбившаго паче тьму, еже свет. Помилуй мя, ввергшагося во огненную печь страстей. Помилуй мя, оскорбившего Тя неподобными глаголы. Помилуй мя, преслушавшаго Твоя повеления. Помилуй мя, осудившаго ближняго моего. Помилуй мя, оклеветавшаго брата моего. Помилуй мя, не воздавшаго Тебе обетов моих. Помилуй мя, не сохранившаго заповедей духовнаго моего отца. Помилуй мя, призывавшаго имя Твое всуе. Помилуй мя, ничтоже благо пред Тобою сотворшаго. Помилуй мя, Господи Боже мой, и к покаянию призови мя, падшаго.

Кондак 4

Жизнь сущи и Источник жизни, Живоначальная
Троице, Нераздельное и Неслитное Божество,
Отче, Сыне и Душе Святый, призри на мя,
сотворенного по образу и по подобию Твоему,
обнови мой разум, слово исправи и дух мой
освяти, да во обновленном трехчастном моем
существе разумно пою: Аллилуиа.

Икос 4

Земля есмь аз и в землю отыду, от неяже взят
есмь, якоже Сам глагола еси, Создателю мой
преславный, но прежде неже найдет смерть на
мя, прежде неже вниду во гроб, взирая на
беззаконную жизнь мою, со слезами зову Ти,
Творцу моему: Помилуй мя, помраченного
страстьми. Помилуй мя, заблуждающего в путех
моих. Помилуй мя, побеждающегося скупостию.
Помилуй мя, снедаемого завистию. Помилуй мя,
согрешившаго Ти объядением без сытости.
Помилуй мя, прогневавшего Тя опивством
чрезмерным. Помилуй мя, не напившаго
алчущаго. Помилуй мя, не напоившаго
жаждущаго. Помилуй мя, не любящаго брата
моего. Помилуй мя, не почитавшаго некогда
родителей своих. Помилуй мя, согрешившаго Ти

делом, словом и помышлением. Помилуй мя,
прогневавшего Тя вольными и невольными
злыми дея^{ни}и моими. Помилуй мя, Господи Боже
мой, и к покаянию призови мя, падшаго.

Кондак 5

Идеже Ты хочещи, Всемогущий Боже,
побеждается естества чин: естество мое выну ✓
влечет мя ко греху и порабощает мя, но Ты, яко
Создатель естества, угаси греховная стремления
его, обновив е росю благодати Твоя, да
невозбранно пою Тебе: Аллилуиа.

Икос 5

Кто согреши когда, якоже согреших аз,
окаянный? Коего греха не сотворих? Коего
беззакония не содеях? Коего зла не вообразих в
души моей? О люте мне, люте мне, что буду и
где обрящуся аз? Но прежде онаго праведнаго
воздаяния Твоего, смиренно молю Тя,
Милостивый Боже, якоже отца блудный сын:
Помилуй мя, окаяннаго. Помилуй мя,
немилосерднаго. Помилуй мя, жестокаго.
Помилуй мя, гневливаго. Помилуй мя,
тщеславнаго. Помилуй мя, гордаго. Помилуй мя,
сквернаго. Помилуй мя, блуднаго. Помилуй мя,
коварнаго. Помилуй мя, памятозлюбнаго.

Помилуй мя, окамененнаго сердцем. Помилуй
мя, сожженнаго совестию. Помилуй мя, Господи
Боже мой, и к покаянию призови мя, падшаго.

Кондак 6

Лучи благодати Твоя не скрый от мене, Творче
и Создателю мой, но облистай мя ими, просвети
милостивое лице Твое на мя, раба Твоего, и
научи мя творити волю Твою, да во благих делех
моих радостно пою Тебе, Небесному Отцу моему:
Аллилуиа.

Икос 6

Мрачная и безлунная ночь греховнаго моего
жития содела во мне многая множества
прегрешений, иже отчуждиша мя от Тебе,
Присносущнаго Света моего, и приближиша мя
ко аду преисподнейшему, егоже жжение и мрак
ужасают мя и ныне. Райская же жилища Твоя,
уготованная праведным, и блаженство в них
живущих исполняют душу мою скорбию, яко
удален есмь от сея присносущныя жизни. Но
доколе жив есмь и дух мой во мне, не лишен
есмь светлая сия надежды, пламенея бо к Тебе,
любовию, от сердца зову Ти: Помилуй мя,
лениваго. Помилуй мя, неблагодарнаго. Помилуй
мя, празднословца. Помилуй мя, сквернословца.

Помилуй мя, смехотворца. Помилуй мя,
сребролюбца. Помилуй мя, клятвопреступника.
Помилуй мя, пьяницу. Помилуй мя,
прекословнаго. Помилуй мя, непокориваго.
Помилуй мя, лживаго. Помилуй мя, льстиваго.
Помилуй мя, Господи Боже мой, и к покаянию
призови мя, падшаго.

Кондак 7

На небо очи мои возвожу и духом весь предстою
Ти, Отче Небесный, но естество брения влечет
мя долу, и грехи мнози влекут душу в
преисподнюю. Ты же, Творче и Создателю мой,
яко Всемогуший и Милосердый, обнови мя, да
воспаряю выну горе, якоже орел, победно
взывая Ти песнь: Аллилуиа.

Икос 7

имею всегда
Око имам выну лукаво, мерзости и всякия
нечистоты преисполнено, Боже мой и Творче:
смотрях выну неподобная, прелестною красотою
мира сего восхищахся и вдаях душу мою во
всяку нечистоту. На доброту же вещей мира
сего, от них же поучался бых познавати и
любити Тя; николиже очима моима взирах, ныне
же, егда померкнуша душевнеи мои очи, в
слепоте духовней сый, зову Тебе, Свету моему:

Помилуй мя, покаянно Тебе взывающего.
Помилуй мя, сокрушенным сердцем к Тебе
припадающего. Помилуй мя, верою Тебе
поклоняющегося. Помилуй мя, любовью Тебе
молящегося. Помилуй мя, приносящего Ти, яко
слезы, глаголы моя. Помилуй мя и не отвержи
мене от лица Твоего. Помилуй мя и подаждь ми
источник слез, да плачуся дел моих горько.
Помилуй мя и изведи душу мою из темницы
страстей. Помилуй мя и дух прав обнови во
утробе моей. Помилуй мя и возстави во мне
образ Твой. Помилуй мя, Свете мой, и просвети
душевные мои очи. Помилуй мя и сотвори мя
храмом Твоего обитания.
Помилуй мя, Господи Боже мой, и к покаянию
призови мя, падшаго.

Кондак 8

Пламень любви моя к Тебе, Создателю мой, не
до конца еще угасе во мне, но дух мой выну *всегда*
пламенеет к Тебе, Первообразу моему: слезы
умиления и радости о Тебе не изсохша еще во
мне до конца, но, яко облако дождевое в
засуху инде находят на мя и орошают мя;
лукавство же, гнездящееся во мне, и суетность
мира сего; окружающая мя, поглощают сия:
обаче же, аще колиждо найдет на мя минута
благодати, выну воспеваю Тебе, Источниче

живота моего: Аллилуиа.

Икос 8

Разумом моим николиже достойная разумех.
Разуме неуразуменный, выну же заблуждах в
беспутиих жизни моя и предавах себе в руке
разбойников, ^{которую} ~~иже~~ обнажиша мя одежды
нетления, Юже дал ми еси при крещении моем, и
ныне предстою Ти нагий и отпавший дружбы
Твоея; обаче же дерзая, покаянно Тебе взываю:
Помилуй мя и исправи путь мой пред Тобою.
Помилуй мя и не вниди в суд с рабом Твоим.
Помилуй мя и не презри мя, обнищавшаго
благими делы. Помилуй мя и не воздаждь ми по
делом моим в День Судный. Помилуй мя и очисти
мя от всякаго действия диавола. Помилуй мя и
остави ми множество грехов моих. Помилуй мя и
свободи мя мучительства царствующих во мне
страстей. Помилуй мя и настави мя на путь
покаяния. Помилуй мя и подаждь ми разум
творити волю Твою. Помилуй мя и взыщи мя,
заблуждшее Твое овча. Помилуй мя и сопричти
мя овцам избраннаго Твоего стада. Помилуй мя.
Господи Боже мой, и к покаянию призови мя,
падшаго.

Кондак 9

Слово не довлеет ми, пречудный Царю и Господи, подаждь ми слезы покаяния и по сих слезы умиления, яко да ими омыю скверну души моя, юже аз оскверних злыми и безм^{зд}ными деянии моими, да в чистоте души моя радостно пою Тебе, Богу моему: Аллилуиа.

Икос 9

√ Тело мое питаю пространно, дух же мой истаявает гладом, о Господи мой, Господи! Дажь ми разумети мое беззаконие, даждь ми, тшание насыщати дух мой благими делы, даждь ми поне отныне положити ^{начало} своего спасения, зовущему^{ти} во гладе своего духа: Помилуй мя, Мудросте недомыслимая. Помилуй мя, Божество неописанное. Помилуй мя, Сило непобедимая. Помилуй мя, Славо превознесенная. Помилуй мя, Красото пресветлая. Помилуй мя, Совершенство неизследимое. Помилуй мя, Высото недостижимая. Помилуй мя, Милосте безконечная. Помилуй мя, всемогущий Властителю. Помилуй мя, небесных чинов державный Повелителю. Помилуй мя, Трисолнечный и Трисиянный Свете. Помилуй мя, Отче, Сыне и Душе Святый. Помилуй мя, Господи

Боже мой, и к покаянию призови мя, падшаго.

Кондак 10

Утроба моя распалается к Тебе любовью, Творче небесе и земли, и дух мой возносится к Тебе в превыспренняя, но увы мне, увы! О окаянства моего и несовершенства! Вся сия погубляю во едином часе, преступив заповеди Твоя; обаче, аще и ратую греху, но пою Тебе: Аллилуиа.

Икос 10

Хищением и неправдою богат есмь аз, коварством и студодеянием порабощен, лжа и лесь не оскудеша от мене, завистию снедаюся и скупостию побеждаюся, и всем беззаконием, яко раб, усердно служу. Но Ты, Милостивый Создателю мой, отжени вся злая сия от мене, с любовью и трепетом в покаянии Тебе зовущаго: Помилуй мя, веселие мое и радование. Помилуй мя, надеждо моя преславная. Помилуй мя, сокровище мое нетленное. Помилуй мя, богатство мое неистощимое. Помилуй мя, просвещение ума моего и сердца. Помилуй мя, здравие души моея и телесе. Помилуй мя, Наставниче мой предобрый. Помилуй мя, Хранителю мой преблагий. Помилуй мя, истинное радование плачущих. Помилуй мя,

прибежище наше и упование. Помилуй мя,
изглаждая неподобная наша деяния. Помилуй
мя, ограждая нас святыми Твоими Ангелы.
Помилуй мя, Господи Боже мой, и к покаянию
призови мя, падшаго.

Кондак 11

Целомудрие нарушив аз, окаянный, от начала
дней юности моя, оттоле есмь смиренный раб
сего греха. Кий вид его не сотвориx, коего от
сих беззаконий не содеях? Всякое чувство души
моя и всякий уд телесе моего оскверних,
растлих и непотребен сотвориx; но молю Тя,
незлобиве Господи, избави мя блудных страстей
плоти моя, зовущаго Ти: Аллилуиа.

Икос 11

Чистоты душевныя не стяжах и душу мою во тму
греховную предах: о люте мне, люте мне!
Разбойник есмь аз души моя, израних бо ю до
конца, и несть места цела в ней; совлекох ю
одежды Боготканная и облекох ю в ризу
раздранную и оскверненную от окаянства моего?
Что возглаголю Ти, Отче Щедрый, или что реку
Ти во оправдание мое, Судие Праведнейший?
Обаче же, яко навых, прошу у Тебе
помилования, горце зовущи: Помилуй мя,

пламенно горящая Любы. Помилуй мя, выну
святая Премудросте. Помилуй мя, Сокровище
благих. Помилуй мя, жизни Подателю. Помилуй
мя, везде Сый и вся исполняй. Помилуй мя,
творяй дивная чудеса. Помилуй мя, предведый
не сущая яко сущая. Помилуй мя, не оставляй
нас посреде греха и смерти. Помилуй мя,
оживляй мертвыя духом. Помилуй мя, очищая
оскверненныя совестью. Помилуй мя, призирая
на воздыхания наша к Тебе. Помилуй мя,
полагая милость Свою на всех делах руку
Твою. Помилуй мя, Господи Боже мой, и к
покаянию призови мя, падшаго.

Кондак 12

Широтою благодати Твоя, Триипостасный Боже,
покры мой согрешения, якоже покрыл еси
древле согрешения ботоотца Давида, и прими
мое покаяние, якоже приял еси покаяние
Манассии царя, и призови мя, заблуждающаго в
путех своих, якоже призвал еси гонителя Павла,
и даждь ми с любовию выну воспевати Тебе:
Аллилуиа.

Икос 12

Юность моя пройде в неразумии и начало живота моего в лености к добродетели. Не насадих бо тогда в сердце моем се́мена хлеба духовнаго, питающаго жизнь вечную, Боже мой и Господи, се́мена же терния и репия прилежно в себе посева́х. Ныне же, егда прозябоша во мне вся злая сия, пронзают душу мою и ура́няют сердце мое, и все естество мое исполняют болезнию. Умилосердися, о Боже мой, и попали огнем Божества Твоего вся греховная терния во мне, взывающем Ти болезненно: Помилуй мя, Отче Безначальне, Сыне Предвечне и Душе Присносущне. Помилуй мя, Троице Единосушная и Нераздельная. Помилуй мя, Триипостасная Державо. Помилуй мя, Нераздельное и Неслитное Божество. Помилуй мя, едино Царство и Господство. Помилуй мя, едина воля и хотение. Помилуй мя, Егоже бояться и трясутся Херувими. Помилуй мя, пред Ним же закрывают лица своя страшнии Серафими. Помилуй мя, Егоже боится солнце и трепещет луна. Помилуй мя, пред Ним же дымятся горы и бегут вспять реки. Помилуй мя, пред Ним же всяко колено небесных, земных и преисподних преклоняется. Помилуй мя, Егоже вся тварь на небеси и на земли выну славословит. Помилуй мя, Господи Боже мой, и к покаянию призови мя, падшаго.

Кондак 13

Яко Творец Всемогущий и Владыко незлобивый,
не помяни моих беззаконий, имиже Тебе
прогневах, делом, словом и помышлением,
ведением и неведением, вся мне, яко Бог
милостив, прости и разреши от них, излей на мя,
яко капли дождевныя, благодать Твою, да поне
от ныне начну благоугождати Тебе, Создателю
моему, выну воспевая: Аллилуиа, аллилуиа,
аллилуиа.

(Этот кондак читается трижды, затем икос 1 и
кондак 1)

Молитва.

Тебе, Владыко многомилостиве, триипостасный Боже, возвожу очи ума моего и сердца, и, припадая твоей благодати, смиренно исповедаю грехи моя яже сотворих во вся дни живота моего. Согреших бо Господи, согреших аз окаянный, преступих спасительныя заповеди Твоя яже даровал ми еси во еже ими восходитьи к Тебе якоже неким незаблудным путем, аз же окаянный, вместо еже шествовати путем сим - путем Божественныя Твоя правды и истины, удалихся в распутие и устранихся с истинного пути, и тамо самовольне вдахся в руце мысленных разбойников - страстей души моея, иже совлекоша мя одежды нетления, ураниша всего мя ранами, уязвиша душу мою язвами и всего мя оскверниша, и ныне, якоже зриши, предстаю ти наг, уязвлен, осквернен и того ради отпадый любви Твоея. Господи мой, Господи, что возглаголю Ти, или что реку Ти, несть ни единого мне оправдания, ниже извинения. Еда непознах закона Твоего? Еда не видех заповедей Твоих? Вся сия разумех от юности моея. Но небрежения моего ради, уныния и

нерадения, ничтоже благо пред Тобою сотвори-
х. Выну же содеявах лукавая и злое, выну
плоти моя и злым вожделениям моим яко раб
работах прилежно, но Тебе Создателю моему
николиже ничим же достойно послужих. Ныне
же приступая к Тебе Щедродательному Отцу,
яко блудный сын вопию Ти: Согреших, Отче, на
Небо и пред Тобою, и уже несмь достоин наре-
щися Сын Твой. Вем же яко приял еси блудного
сына, тако приимеши и мене. Он бо бе образ
мне, и сей блудный сын есмь аз сам. Кто бы ког-
да удалихся от Тебе тако далече, якоже удалихся
аз? Или кто сотворих толика беззаконий, якоже
сотворих аз? Но молю Тя, Милосерде, не вниде в
суд с рабом твоим, и не помяни моих беззакон-
ний. Ниже да соблюдеши злая дела моя на день
праведного Твоего воздаяния, егда воздаси ко-
муждо по делом его, но отныне да покрывает мя
рука Твоя, да буду Тебе Единому благоугожда-
ти, Тебе Единому служить, Твоего страха стра-
шиться, Твоя повеления исполняти, Твоя запове-
ди соблюдать и в законе Твоем поучатися
непрестанно день и ночь. Дажь мне, Всемогу-

щий Владыко, отчуждаться от зол мира сего, даждь мне ненавидети вся злая в мире сем, отчуждающего мя от Тебе присносущного живота моего, дыхания и радования моего. Даждь мне Тебе Единого любить, даждь мне к тебе Единому пламенно горящей любви пламенети выну любовию, и возноситея непрестанно к тебе духом. Ты бо еси моя жизнь и радование, и веселие, Ты источник Света светящего во мне, ныне же, грехов моих ради, угасающего во мне до конца. О, Свете Незаходимый, вящше уясни твоею благодатию и сей Свет во мне, да при Свете твоём узрю путь истины, Им же и достигну вожделенного мне Небесного отечества идеже и буду выну прославляти Всесвятое и Препоблагословенное Имя Твое Отца и Сына и Святаго Духа. Аминь.